

*Darlegung der Gründe, warum die Universität ein andres Statut „De stancia“ aufgestellt hat.*  
[Zwischen 1508 u. 1539.]

*Hdschr.: Concept Hauptstaatsarchiv Dresden Leipziger Handel 1458. 1508—39 loc. 10534 fol. 31—32.*

5 . Etzliche bewegliche ursache, darauß die universitet das ytzige mandat der stantien halben publicirt hatt.

Erstlich so befindet dy universitet, dieweyl wider den inhalt des alten statuts ire studenten zueerstreut, ane auffsehung irer obersten, nicht bey inen sunder in der statt gestanden, das sich derselwigen wenig gepessert und das ire unutzlich umbracht inen  
10 und den iren zcu schaden und das ire eldern irer hoffnung dy sie gehabt, das sie in der universitet gepessert solten werden, beraubt sein worden.

Zum andern das von denselwigen die ausserhalb irer zeucht, gehorsamb und unterweysung in der stat gestanden vill unfugs geschehen, dy leut bey nechtlicher weyll beschediget, auffrur gemacht, ein boß schendtlich leben gefurt, das ire mitt leychtfertigen  
15 leutten umbracht, irn obersten auch irn eldern folgende ungehorsam. Darauß entlich bose leutt zcu allen stenden ungeschickt worden, niemantzs gehorsam, zucht, leher und vermanung annemen wellen.

Zcum dritten so achtetzs dy universitet, darfur, dieweyll uber solchen alten statut, wye vor alters nicht vestiglich gehalten, das solchs der furnemlichen ursachen eine der  
20 vergangen auffrur, sedition und entporung die sich etzliche iar erhoben.

Zcum virten so befindet dy universitet das irs gnedigen hern willen und maynung ist, das dye studenten bey einander stehen solten, in der reformation anno 20. secundo auffgericht, darein volgender artickel verleibt: „Es ist auch bedacht gut zcu sein, das das pedagogium der iuristen facultet zcu geaygent wurde, darinnen allein iuristen mitt  
25 ettlichen doctoribus derselwigen facultet stehen solden, dye auch gemeinen disch und alle monet ein gemeine disputation hilden und das auch der iuristenschul darein oder darneben uff dem raum der ytzunder den iuristen zcustendig vor den ordinarien und etzliche doctores derselwigen facultet gebauet wurd, das also dye iuristen bey einander stunden.“  
Durch solche statut der stantien halben verhofft dye universitet, disen punct der refor-  
30 mation soll sein geburlich volge geschehen.

Zcum funffthen so bewigt dy universitet, das dieihenigen dye in locis approbatis stehen, bey nechtlicher weyl nicht in der stat (so dy collegien gesperret) unfug, auffrur machen und dye leut nicht beschedigen kunnen. Es werden auch die, dye in der stadt und nicht in gehorsam stehen rebelles, die dan zcangkh machen und die gehorsamen  
35 verfuren, dabey dieihenigen die in collegiis stehen gehauset und zcu iren unfuge enthalten werden.

Zcum sechsten so achtet dye universitet, das das neu collegium mitt solcher grosser unkost erpauet und das pedagogium Petri den iuristen zcu geaygent, auch andere